




Պ Ա Շ Տ Օ Ն Ա Կ Ա Ն

ՆՈՐԻՆ ՎԵՀԱՓԱՌՈՒԹԵԱՆ ՏՆՕՐԷՆՈՒԹԻՒՆՆԵՐԻՅ.

Գրութեամբ խնդրուեց ներքին Գործոց Նախարարին միջնորդել ԹԱԳԱՒՈՐ ԿԱՅՍԵՐ առաջ արձակել և Էջմիածնի Սինոդի անդամութիւնից Էջմիածնի միաբան Տ. Յուսիկ վարդապետ Զոհրաբեանին, որպէս զի կարգուի Մոսկուայի Լազարեան Ճեմարանում կրօնուսոյց, համաձայն Ճեմարանի վերատեսչի գրաւոր միջնորդութեան և Տ. Յուսիկ վարդապետի խնդրագրի: 8 օգոստոսի, թ. 1126:

Դիւանի գրութեամբ յանձնարարուեց Երեւանի փոխ-թեմակալ Տ. Խորէն եպիսկոպոսին կարգադրել հանել տալ Երեւանի Կոնսիստորիայի և Ղարսի Հայոց Հոգևոր Կառավարութեան արխիւներից Անիի վանահայրութեան և հոգերի վերաբերեալ բոլոր փաստաթղթերն ու կալուածագրերն և անմիջապէս ուղարկել Նորին Վեհափառութեան ի տնօրէնութիւն: 9 օգոստոսի, թ. 1128:

Կոնդակով Թոյլ տրուեց Երևանի Հայոց փոխ-թեմակալ Տ. Խորէն եպիսկոպոսին, համաձայն իւր միջնորդութեան, բանալ Թոխանշալու զիւղում եկեղեցական-ծխական դպրոց: 9 օգոստոսի, թ. 1139:

Դիւանի գրութեամբ բացատրուեց Շամախու առաջնորդ Տ. Անանիա արքեպիսկոպոսին, որ Հայոց եկեղեցական-ծխական դպրոցներում պաշտօնավարող նոր ուսուցիչների համար քաղաքապետից կամ նահանգապետից հաճութիւն ինքն անձամբ պէտք է ղրմէ և ստանայ: 11 օգոստոսի, թ. 1144:

Կոնդակ Երևանի ս. Սարգիս եկեղեցու ծխական հոգաբարձու թեան անունով, որով օրհնելով Թոյլատրուեց բանալ եկեղեցու դաւթում ծխական դպրոց: 14 օգոստոսի, թ. 1145:

Կոնդակ վերոյիշեալի բովանդակութեամբ Դարդալու զիւղի ծխական հոգաբարձու թեան անունով: 14 օգոստոսի, թ. 1146:

Նորին Վեհափառութիւնը ս. Էջմիածնի ս. Սինօղի 1913 թ. յուլիսի 23-ի № 1670 յայտարարութեան վրայ հետեւեալ մակագրութիւնն է արել. «Համաձայն ս. Էջմիածնի ս. Սինօղի քննութեան և եզրակացութեան՝ ներում ենք Վաղարշապատի աղքատ ծխականներին, պատուիրելով նոյն Սինօղին անպահանջ թողնել նոցա վրայ ֆաբրիկա 1599 թուրի 25 կոպ. ապառիկ հարկերը, իսկ յայտարարութեան մէջ յիշուած ֆաբրիկա ապառիկները կարգադրել անյապաղ պահանջել և ժողովել»: 19 օգոստոսի, թ. 1202:

Կոնդակ Մայր Աթոռի միաբան Տ. Սահակ արքեպիսկոպոս Այվատեանի անունով, որով պատուիրուեց օգոստոսի 23-ին Դայիանէի վանքում, ծայրագոյն վարդապետութեան աստիճան տալ Մայր Աթոռի միաբաններ Տ. Տ. Բազրատ և Մատթէոս վարդապետներին և վկայականները

ներկայացնել Նորին Սրբութեան ի հաստատութիւն: 22 օգոստոսի, թ. 1208:

Կոնդակով առաջադրուեց ս. Էջմիածնի ս. Սինօգին կարգադրել Մայր Տաճարի Էջման սեղանի առաջ երգուեցնել տալ Դիւանապետ և Գ. հոգևոր ձեմարանի Տեսուչ Տ. Բագրատ, Ռուսինիայի Հայոց Հոգևոր Հովիւ Տ. Գնէլ, ս. Էջմիածնի Սինօգի անդամ Տ. Մատթէոս, Արմաշու Դպրեվանքի փոխ-վանահայր և վերատեսուչ Տ. Մեսրոպ և Ագրիանուպօլսի Հայոց առաջնորդ Տ. Ղևոնդ Տ. վարդապետներին՝ եպիսկոպոսական բարձր կոչում տալու համար: 22 օգոստոսի, թ. 1209:

Նորին Վեհափառութեան մակադրութիւնը բժիշկ Կարապետ Տէր-Խաչատրեանի խնդրի վրայ. «Ընդունելով բժիշկ Կարապետ Տէր-Խաչատրեանի հրաժարագիրը՝ պատուիրում ենք ս. Էջմիածնի ս. Սինօգին տնօրինել առաջիկայ սեպտեմբերի 1-ից հրաւիրել նոր բժիշկ»: 26 օգոստոսի, թ. 1238:

Նորին Սրբութեան մակադրութեամբ պատուիրուեց Մայր Տաճարի լուսարարապետին ս. Միւռոն տալ Յակովբ քահ. Խաչվանքեանին, Աղէքսանդրապօլի վիճակի համար: 26 օգոստոսի, թ. 1239:

Կոնդակներ Տ. Տ. Բագրատ, Գնէլ, Մատթէոս, Մեսրոպ և Ղևոնդ նորապսակ եպիսկոպոսների անունով, որով բացատրելով եպիսկոպոսական ծանր լուծը՝ յորդորուեց կատարել իրենց վրայ դրած եպիսկոպոսական պարտականութիւնը և Աւետարանի պատուէրը: 27 օգոստոսի, թ. 1240 — 1244:

Կոնդակներ ընդհանրական Ագրիանուպօլսի, Ռուսինիայի և Արմաշու Դպրեվանքի Հայոց քահանայական դասի, Ժողովրդի բոլոր ղառակարգերի անունով՝ Գնէլ, Մեսրոպ և Ղևոնդ ծայրագոյն վարդապետներին եպիսկոպոսական աստիճան տալու մասին, իրենց ցանկութեան և ընտրութեան համաձայն: 28 օգոստոսի, թ. թ. 1253, 1254 և 1255:

Դիւանի գրութեամբ յանձնարարուեց Տ. Գէորգ արքեպիսկոպոս Իւթուճեանին կարգադրել անյապաղ ուղարկել իւր նախկին պաշտօնատեղին՝ Ամերիկայում պաշտօնավարող Պետրոս քահ. Վարդանեանին: 30 օգոստոսի, [Թ. 1274:

Դիւանի շրջաբերական գրութիւններով յանձնարարուեց Ռուսաստանի Հայոց թեմակալ առաջնորդներին, որ կարգադրեն իրենց թեմերում դպրոցական Ֆօնդի օգտին ժողովող մարմինները՝ առաջնորդների միջոցով, կամ անմիջապէս, ուղարկեն ս. Էջմիածնի ս. Սինօդին իրենց մօտ ժողովուած գումարները և նորին Վեհափառութեան գրաւոր ղեկուցում տալ ուղարկած զրամի քանակի մասին: 30 օգոստոսի, [Թ. 1275—1280:

Դիւանի գրութեամբ առաջադրուեց Մայր Աթոռի վանական կառավարութեան պատրաստութիւն տեսնել Էջմիածին այցելող 20 Գերմանացի կալուածատէրերի և զիւղատնտեսների ընդունելութեան և հիւրասիրութեան համար: 2 սեպտեմբերի, [Թ. 1288:

Կոնդակ Շամախու Հայոց թեմի առաջնորդ Տ. Անանիա արքեպիսկոպոսի անունով, որով պատուիրուեց կարգադրել տալ թեմական արդիւնքից նախկին թեմական տեսուչ Տ. Ներսէս վարդապետ Տէր-Միքայէլեանին նորա չստացած 469 ռուբ. 58 կ. ռոճիկն ու բնակարանի վարձը: 4 սեպտեմբերի, [Թ. 1293:

Նորին Վեհափառութեան մակադրութեամբ պատուիրուեց ս. Էջմիածնի ս. Սինօդին Մայր Աթոռի և ձեմարանի համար ընտրել մի վստահելի և փորձուած բժիշկ. պայմանները ձեւակերպել և ներկայացնել Նորին Սրբութեան ի տնօրէնութիւն: 4 սեպտեմբերի, [Թ. 1294:

Կոնդակ Տաթևի վիճակի Շխաթաղ զիւղի ծխական հոգաբարձութեան անունով, որով օրհնելով հոգաբարձութեան և ամբողջ համայնքին՝ թոյլատրուեց բանալ եկեղեցական-ծխական դպրոց: 5 սեպտեմբերի, [Թ. 1305:

Կոնդակ Ս. Պետերբուրգի Հայոց եկեղեցական Խորհրդի նախագահի և անդամների անունով, որով յորդորուեց զրամական նպաստ տալ Օշականի ս. Մեսրոպեան եկեղեցական-ծխական դպրոցին՝ տառերի զիւտի 1500-ամեայ և Հայ տպագրութեան 400-ամեայ յիշատակը յաւերժացնելու համար, ս. Մեսրոպի գերեզմանին կից եկեղեցական-ծխական դպրոցի շէնք կառուցանելու համար: 5 սեպտ., թ. 1314:

Դիւանի շրջաբերական գրութիւններ թեմական առաջնորդների անունով (բացի Բեսսարաբ. առաջն.), որով առաջադրուեց զեկուցանել Նորին Վեհափառութեան, թէ քանի և ռոտեղերի ուսուցիչների համար են զիմում արել նահանգապետներին, ի՞նչ պատասխան են ստացել և որքան ժամանակից յետոյ: 11 սեպտեմբերի. թ. թ. 1332—1336:

Կոնդակ Տփլիսի նպաստամատոյց Յանձնաժողովի անունով, որով յորդորուեց իրենց մօտ մնացած 75,000 ռուբ. զումարը յատկացնել ագքատ Հայ գիւղերում ծխական դպրոցներ բանալու և պահպանելու: 14 սեպտեմբերի, թ. 1346:

Կոնդակ օրհնութեան Մայր Սթոփի նախկին բժիշկ պ. Կարապետ Տէր-Խաչատրեանի անունով՝ նորա 17 տարուայ ծառայութեան համար: 14 սեպտեմբերի, թ. 1347:

Դիւանի գրութեամբ յանձնարարուեց Սանասարեան վարժարանի Խնամակալութեան բացատրել Նորին Վեհափառութեան, թէ ի՞նչու մինչև ցարդ չէ կատարուած Նորին Սրբութեան կոնդակը՝ Կարինում նոր դպրոց բանալու մասին, որ զրաւոք խոստացել էր Խնամակալութիւնը: 14 սեպտեմբերի, թ. 1356:

Դիւանի գրութեամբ յանձնարարուեց Աստրախանի թեմակալ առաջնորդին պատշաճ կարգադրութիւն անել, որ շրջող Հայ քահանաները այցելեն թեմի զանազան բանտարկուած հայերին և կատարեն նոցա հոգևոր պէտքերը, այլ և մխիթարել նոցա հոգեպէս: 18 սեպտեմբերի. թ. 1366:

Դիւանի գրութեամբ ուղարկուեց Մայր Աթոռի հիւրընկալին Նորին Սրբութեան հաստատած հիւրատան կանոնները, 20 սեպտեմբերի, թ. 1378:

Դիւանի գրութեամբ յայտնուեց Ատրպատականի թեմակալ առաջնորդ Տ. Ներսէս վարդապետին, որ Ատրպատականի թեմական դպրանոցի համար ծրագիր կըմշակուի այն ժամանակ, երբ կըմշակուի Ռուսաստանի Հայոց թեմական հոգևոր դպրոցների կանոնադրութիւնը, որի մշակման համար նշանակուած է առաջիկայ գեկտեմբերի 10-ը և 20 սեպտեմբերի, թ. 1385:

Կոնդակ Տփլիսի ս. Բեթղէհեմ եկեղեցու ծխական հոգաբարձութեան անունով, որով օրհնելով հոգաբարձութեան և բոլոր ծխականներին՝ արտօնուեց բանալ եկեղեցու գաւթում եկեղեցական-ծխական դպրոց, 21 սեպտեմբերի, թ. 1390:

Դիւանի շրջաբերական գրութիւններով խնդրուեց Ս. Պետերբուրգի Հայոց եկեղեցական Խորհրդին, Մոսկուայի Հայոց եկեղեցական Խորհրդին, Նոր-Նախիջևանի Բարեգործական Ընկերութեան վարչութեան, Նոր-Նախիջևանի Հայոց եկեղեցիների ազգատաց հոգաբարձութեան, Բագուի Հայոց Մարդասիրական Ընկերութեան վարչութեան, Բագուի Հայոց Կուլտուրական Միութեան և Կովկասի Հայոց Բարեգործական Ընկերութեան Խորհրդին՝ ուղարկել մի-մի ներկայացուցիչ հոկտեմբերի 10—11-ին, երբ լինելու է ս. Էջմիածնում խորհրդակցութիւն Դպրոցական Ֆօնդի կազմակերպութեան և տոկոսների գործադրութեան եղանակի մասին: 20 սեպտեմբ., թ. թ. 1391—1397:

Դիւանի գրութեամբ յանձնարարուեց հանգուցեալ եզոր Զոհրաբեանի պ. կտակակատարներին ուղարկել ժամանակաւորապէս Թաւրիզի կենդրոնական պրոցի պահպանութեան համար կտակագրումարի տոկոսները, մինչև որ վերջնականապէս կհաստատուի թեմական դպրանոցի ծրագիրը ու կանոնադրութիւնը: 23 սեպտեմբերի, թ. 1398:

Կոնդակ Կ. Պօլսոյ Հայոց նորընտիր պատրիարք Տ. Զաւէն եպիսկոպոս Տէր-Եղիայեանի անունով, որով արքութեան պատիւ շնորհուեց, 24 սեպտեմբ., թ. 1408:

Նորին Սրբութեան մակադրութեամբ պատուիրուեց ս. Էջմիածնի ս. Սինօզին տալ Հայ տղադրութեան Մայր Աթոռի Յոբելենական Յանձնաժողովին երեք հարիւր յիսուս (350) ըուրլի, ծխական զպրօցներին նուիրելու համար զնաժ ս. Սահակի և Մեսրոպի պատկերների ծախքը հոգալու համար: 24 սեպտեմբերի, թ. 1412:

Կոնդակ ս. Էջմիածնի ս. Սինօզի անունով, որի հետ ուղարկելով ներքին Դործոց Տ. Նախարարի գրութեան պատճենը, առաջադրուեց կարգադրել ազատ կացուցանել Սինօզի անդամութիւնից Մայր Աթոռի միաբան Տ. Յուսիկ վարդապետ Զոհրաբեանին՝ Մոսկուայի Լազարեան ձեմարանում կրօնուսոյց կարգելու համար: 25 սեպտեմբերի, թ. 1418:

Կոնդակ Տ. Յուսիկ արքեպիսկոպոսի անունով, որով յանձնարարուեց հրաւիրել Մայր Աթոռի միաբաններ՝ Տ. Տ. Կարապետ, Բազրատ և Մատթէոս եպիսկոպոսներին, Բարգէն և Ներսէս վարդապետներին և իւր նախագահութեամբ քննել Ռուսաստանի թեմակալ առաջնորդներից ծխական կանոնադրութեան վերաբերեալ դիտողութիւններն ու փոփոխութիւնները, խմբագրել «Հայաստանեայց Առաքելական եկեղ. ծխական կանոնադրութիւն» և ներկայացնել Նորին Սրբութեան ի տնօրէնութիւն: 26 սեպտեմբերի, թ. 1421:

Նորին Սրբութեան գրութեամբ ծանուցուեց Մոսկուայի Արևելեան լեզուների ձեմարանի վերատեսուչ պրօֆեսոր Պաւել Վ. Գիլուլեանովին, որ Վեհափառ Հայրապետի միջնորդութեան համաձայն Թազաուր Կայսեր բարեհաճել է արձակել Յուսիկ վարդապետ Զոհրաբեանին Սինօզի անդամութիւնից, ուստի և թոյլատրում է նորան լինել ձեմարանում կրօնուսոյց: 3 հոկտեմբերի, թ. 1507:

Նորին Սրբութեան մակագրութեամբ պատուիրուեց
ա. Էջմիածնի ա. Սինօզին վճարել հետզհետէ երեք հազար
բուրլի Յորեկենական Յանձնաժողովի անդամ Տ. Մուշէ
վարդապետին՝ տնտեսական ենթամասնաժողովի նախագա-
հին, և տալ մի ժապաւինեալ մատեան հաշիւները պա-
հելու և յորեկենական հանդէսներից յետոյ ներկայացնե-
լու Սինօզին ի զննութիւն: 3 հոկտեմբերի, թ. 1521:

Դիւանի գրութեամբ յանձնարարուեց Մայր Տաճարի
բուսարարապետ Տ. Ղևոնդ եպիսկոպոսին ուղարկել, երևանի
փոխ-թեմակալի միջոցով, Հին-Նախիջևանի վիճակի Այար
գիւղի եկեղեցուն մի ձեռք հին եկեղեցական դգեոս: 3 հոկ-
տեմբերի, թ. 1523:

Կոնդակ Տաթևի շրջանի Տուլորս գիւղի եկեղեցական-
ծխական հոգաբարձութեան անունով, որով օրհնելով հո-
գաբարձութեան և ժողովրդին՝ թոյլատրուեց բանալ յիշեալ
գիւղի եկեղեցու դաւթում ծխական դպրոց: 4 հոկտեմբ.,
թ. 1532:

ՆՈՐԻՆ ՎԵՀԱՓԱՌՈՒԹԵԱՆ ԳՈՀՈՒՆԱԿՈՒԹԻՒՆ ԵՒ ՕՐՀՆՈՒԹԻՒՆ.

Կոնդակ գոհունակութեան և օրհնութեան նոր-Բա-
յազէտցի Հայրապետ Խաչատրեանի անունով՝ իւր ծախքով
Հայոց եկեղեցական-ծխական դպրոցի համար սեպհական
շէնք կառուցանելու առթիւ: 3 օգոստ., թ. 1140:

Կոնդակ գոհունակութեան և օրհնութեան երդուեալ
հաւատարմատար պ. Գրիգոր Խաչերեսեան Չալխուշեանի
անունով՝ նոր Նախիջևանի դպրոցական Ֆօնդի օգտին
հանգանակութեան գործին սրտադին օգնութիւն ցոյց տա-
լու առթիւ. 9 օգոստոսի, թ. 1141:

Կոնդակ գոհունակութեան և օրհնութեան Տաճկահայ
գործիչ Յակովբ Գուրգէնի անունով՝ նորա քառասնամեայ
գրական գործունէութեան յորեկեանը կատարելու առթիւ*:
25 օգոստոսի, թ. 1232:

* Իւր կողմից ուղարկելով և մե հարկերը բուրլի նպաստ: